
Disposiziuns executivas tar la legislaziun da taglia (DERtLT)

Midada dals 15-02-2016

Relaschs tangads da questa fatschenta (numers dal DG)

Nov: –
Midà: 710.110 | **720.015**
Aboli: –

La regenza dal chantun Grischun,

sa basond sin l'art. 45 al. 1 da la constituziun chantunala,

concluda:

I.

Il relasch "Disposiziuns executivas tar la legislaziun da taglia (DERtLT)" DG [720.015](#) (versiun dals 01-01-2016) vegn midà sco suonda:

Art. 10a (nov)

4. Custs supplementars per alimentaziun ed alloschi (art. 31 al. 1 lit. b LT)

¹ Per ils custs supplementars da l'alimentaziun ordaifer pon vegnir fatgas las suandantas deducziuns:

- a) 15 francs per past principal resp. 15 francs per di da lavur, en cas d'ina alimentaziun ordaifer permanenta 3200 francs per onn;
- b) 7.50 francs per di da lavur, en cas d'ina alimentaziun ordaifer permanenta 1600 francs per onn, sche l'alimentaziun vegn subvenziunada dal patrun.

² Las tariffas tenor l'alinea 1 valan er en cas da lavur en squadra u da lavur da notg.

³ Per ils custs supplementars da l'alimentaziun ordaifer en cas d'ina dimora ordaifer durant l'emna pon vegnir fatgas las suandantas deducziuns:

-
- a) 15 francs per past principal resp. 30 francs per di da lavur, en cas d'ina dimora durant l'emna da l'entir onn 6400 francs per onn;
- b) 22.50 francs per di da lavur, en cas d'ina dimora durant l'emna da l'entir onn 4800 francs per onn, sche l'alimentaziun vegn subvenziunada dal patrun.

⁴ Sco custs supplementars necessaris per l'alloschi ordaifer pon vegnir deducidas las expensas usitadas al lieu per ina chombra. La deducziun importa maximalmain 9600 francs per onn.

Art. 11

5. Daners da sesida (art. 31 al. 2 LT) (**Titel midà**)

Art. 11a (nov)

6. Amortisaziuns e retenziuns

¹ Las amortisaziuns tenor l'artitgel 32 alinea 1 litera a respectivamain tenor l'artitgel 81 alinea 1 litera b LT e las retenziuns tenor l'artitgel 32 alinea 1 litera b respectivamain tenor l'artitgel 81 alinea 1 litera c LT vegnan regladas en las agiuntas da quest relasch.

Art. 12

7. Reservas per ils custs da perscrutaziun e da svilup

a) princip (**Titel midà**)

Art. 15

8. Acquisiziuns cumpensatoricas (**Titel midà**)

Art. 16

9. Mantegniment d'immobiglias (art. 35 al. 2 LT)

a) deducziun pauschala (**Titel midà**)

Art. 18

10. Deducziun per uffants: concubinad (art. 38 al. 1 lit. d LT) (**Titel midà**)

Art. 19 al. 1 (midà)

11. Tariffa da pèrs maridads (**Titel midà**)

¹ Sche l'uffant viva alternantamain en la chasada da la mamma respectivamain dal bab e sche nagin genitur na po deducir aliments per uffants, vegn concedida la distgargia en il senn da l'artitgel 39 alinea 3 LT ¹⁾ per regla a quel genitur cun l'entrada netta pli auta.

¹⁾ DG 720.000

Art. 27 al. 1 (midà)

¹ La tariffa da gudogn accessoric vegn applitgada:

- a) **(midà)** per activitads da gudogn accessoric. In gudogn accessoric premetta in'entrada d'in gudogn principal;

Art. 31 al. 1 (midà)

¹ Pajataglias tenor l'artitgel 98 alinea 1 litera a sco er persunas qualifitgadas sco quasi-domiciliadas tenor l'artitgel 98 alinea 1 litera b LT pon, sch'i na vegn betg applitgada ina tariffa da taglia fixa, inoltrar ina dumonda en scrit da curreger la tariffa a l'administraziun chantunala da taglia fin la fin da mars da l'onn chalendar che suonda il termin da pajament da la prestaziun. Las deducziuns che stattan en connex cun las entradas, las expensas professiunalas augmentadas, ils custs da la scolaziun e furnaziun supplementara orientada a la professiun, inclusiv ils custs da rescolaziun, ils tschains da debits, las contribuziuns da mantegniment, las contribuziuns a la prevenziun individuala liada, ils custs da malsogna e d'accident, ils custs motivads d'in impediment sco er ils custs da la tgira d'uffants pon vegnir pretendids qua, nun ch'els sajan resguardads en la tariffa.

Art. 45 al. 5 (aboli)

⁵ *aboli*

Art. 45a

5. Sistem da rendaquint simplifitgà (art. 39a LT) **(Titel midà)**

Art. 46a (nov)

Registraziun ed archivaziun electronica da datas

¹ L'administraziun chantunala da taglia relascha las regulaziuns per la transmissiun, per la forza da cumprova, per la durada d'archivar e per l'extincziun da las datas.

Art. 48a al. 1 (midà), al. 2 (aboli)

¹ La decleraziun da taglia po vegnir inoltrada er en furma electronica. Il pajataglia po tscherner tranter ina inoltraziun sin palpieri ed ina inoltraziun sin via electronica.

² *aboli*

Art. 50 al. 2 (midà)

² La taxa da scussiun importa 100 francs.

Art. 53 al. 1

¹ Las vischnancas èn obligadas da:

-
- c) **(midà)** tegnair en salv las actas fiscalas tenor las instrucziuns da l'administraziun chantunala da taglia;
 - d) **(nov)** trametter singuls formulars da la decleraziun da taglia.

Art. 54 al. 2 (midà)

² La vischnanca sto far la taxaziun d'almain 1000 cas per collavuratur communal.

Art. 56 al. 1

¹ Las vischnancas che collavuran tar la taxaziun ston, tenor l'estrucziun da l'administraziun da taglia:

- a) **(midà)** eruir ed archivar tut ils fatgs e tut ils documents ch'èn relevants per la taxaziun sco er examinar formalmain las indicaziuns personalas sin ils formulars principals ed accessoric che vegnan inoltrads, uschè ditg che las decleraziuns da taglia vegnan anc inoltradas a la vischnanca;
- b) **(midà)** far la taxaziun da persunas cun activitad da gudogn dependenta, da pajataglias ch'èn obligads limitadamain da pajar taglia sco er da persunas senza activitad da gudogn;

Art. 57 al. 1 (midà), al. 2 (aboli)

¹ Per la controlla d'entrada survegn la vischnanca ina indemnisaziun da 7 francs per cas al register, almain dentant 1000 francs, uschè ditg che las decleraziuns da taglia vegnan anc inoltradas a la vischnanca.

² *aboli*

Art. 58 al. 1 (midà)

¹ Las vischnancas che fan la taxaziun èn obligadas da registrar preliminarmain tut las datas da tut las decleraziuns da taglia che vegnan inoltradas a la vischnanca. Las vischnancas che na fan betg la taxaziun pon surpigliar la registraziun preliminar, sch'ellas èn colliadas cun il sistem electronic da taxaziun (EVA).

Art. 60 al. 3 (nov)

³ Per il scanning e per l'archivaziun electronica da las actas fiscalas tras l'administraziun chantunala da taglia pajan las vischnancas ina indemnisaziun da 2 francs per pajataglia.

Art. 61b (nov)

4. Taglia sin il gudogn, taglia sin il chapital e taglia da cultus (art. 165a al. 1 lit. d ed e LT)

¹ L'administraziun chantunala da taglia incassescha per la taxaziun, per l'incassament e per il rendaquint da la taglia sin il gudogn e da la taglia sin il chapital a favur da las vischnancas sco er da la taglia da cultus ina taxa da 2 pertschient da las taglias incassadas.

Agiuntas

- 1 Amortisaziuns e retenziuns (art. 11a DERtLT) **(nov)**
- 2 Amortisaziuns per pendicularas, runals e.u.v. (art. 11a DERtLT) **(nov)**

II.

Il relasch "Ordinaziun da finanzas dal chantun Grischun (OFC)" DG [710.110](#) (versiun dals 01-01-2016) vegn midà sco suonda:

Art. 37 al. 2 (midà)

² El fixescha annualmain las tariffas da tschains per ils chapitals activs e passivs, ils tschains da retard e da bunificaziun, las taxas d'admoniziun e d'incassament sco er las taxas ch'èn decisivas per las restituziuns. Ils tschains da retard importan maximalmain 6 pertschient, las taxas per admoniziuns maximalmain 30 francs, las taxas per dumondas da scussium maximalmain 100 francs e las taxas per dumondas d'iniziar la procedura da dretg maximalmain 200 francs.

III.

Naginas aboliziuns d'auters relaschs.

IV.

Questa revisiun parziala entra en vigur retroactivamain il 1. da schaner 2016. Exceptads da quai èn l'artitgel 50 alinea 2 DERtLT e l'artitgel 37 alinea 2 OFC, che entran en vigur il 1. da fanadur 2016.

Agiunta 1: Amortisaziuns e retenziuns (art. 11a DERtLT)

(versiun dals 01-01-2016)

1. Amortisaziuns

1.1. REGLAS GENERALAS

- a) Las amortisaziuns d'objects da la facultad da fatschenta ston esser motivadas da la fatschenta. Il medem status sco las amortisaziuns directas han ils apports en fonds d'annullaziun, d'amortisaziun, da renovaziun u d'extincziun (amortisaziuns indirectas).
- b) Las amortisaziuns ston vegnir cumprovadas tras ina contabilitad reglada e tras inventaris complets. Ils pajataglias che n'èn betg obligads da far ina contabilitad e che na fan betg ina contabilitad ston far ina glista da las amortisaziuns en ina tabella d'amortisaziuns cuntinuanta.
- c) Las amortisaziuns pon vegnir quintadas da la valor cudeschada u da la valor d'acquisiziun. La metoda d'amortisaziun che vegn tschernida ina giada sto vegnir mantegnida. Sch'i vegn amortisà da la valor d'acquisiziun, ston las tariffas d'amortisaziun che partan da la valor cudeschada, vegnir reducidas per la mesadad.
- d) Las tariffas d'amortisaziun che figureschan sut la cifra 1.2. correspundan a la reducziun normala da la valor. Amortisaziuns pli autas pon vegnir admessas fiscalmain mo, sch'il pajataglia cumprova ch'igl ha dà ina reducziun da la valor pli auta durant la perioda da taxaziun.
- e) Las reducziuns da la valor sin vaglias e sin participaziuns èn per regla da natira transitorica. Da questas reducziuns da la valor na pon ins betg tegnair quint tras amortisaziuns, mabain unicamain tras rectificaziuns da la valor. In'amortisaziun è admissa mo, sch'il pajataglia cumprova che la reducziun da la valor è definitiva. L'autorità da taxaziun po examinar durant mintga perioda fiscal, sche las rectificaziuns da la valor admessas èn motivadas da la fatschenta.
- f) La recuperaziun d'amortisaziuns è admissa en il rom da las pussaivladads da deducir las perditas, sche las amortisaziuns necessarias n'han betg pudì vegnir fatgas durant ils onns respectivs pervia d'in nausch andament da las fatschentas e sch'i vegn cumprovà in basegn da recuperaziun.
- g) Fiscalmain n'èsi betg admiss da zavràr las valurs d'in activum, sche quai duai chaschunar tariffas d'amortisaziun pli autas.

h) Las amortisaziuns excessivas che surpassan las tariffas normalas e la reducziun effectiva da la valur, vegnan quintadas vitiers a las entradas/al gudogn suttemess a la taglia ed augmentan uschia las valurs da la taglia sin las entradas/sin il gudogn u vegnan quintadas giu en la procedura d'execuziun unica. La procedura d'execuziun unica consista d'in supplement unic a las entradas/al gudogn suttemess a la taglia, da moda ch'ils avantatgs da progressiun e da tschains vegnan gulivads. Las valurs da la taglia sin las entradas/sin il gudogn na vegnan betg midadas tras la procedura d'execuziun unica.

Per curreger amortisaziuns excessivas vegn per regla applitgada la procedura d'execuziun unica. Il pajataglia po dentant pretender la cumpensaziun totala cun la correctura da las valurs da la taglia sin las entradas/sin il gudogn.

i) Amortisaziuns immediatas pon vegnir fatgas valair en il rom da la cifra 1.6. Sche amortisaziuns immediatas èn vegnidas admessas, vala la valur restanta sco valur d'investiziun ed ulteriuras amortisaziuns pon vegnir fatgas mo da questa valur restanta.

Amortisaziuns immediatas èn admessas mo per objects cun ina reducziun da la valur relativamain auta. Per chasas d'abitar, per chasas da fatschenta, per edifizis da biro e da banca, per gronds negozis e.u.v. n'èsi betg pussaivel da far amortisaziuns immediatas.

Uschenavant ch'ellas surpassan las tariffas normalas d'amortisaziun, èn amortisaziuns immediatas custs extraordinaris.

j) L'aggiunta qua avant maun vegn applitgada tant per la taglia chantunala sco er per la taglia federala directa.

Tenor la lescha federala davart la taglia federala directa (LTFD) pon las activas ch'èn vegnidas revalitadas per gulivar perditas, mo vegnir amortisadas, sche la revalitaziun è stada admissa dal puntg da vista dal dretg commercial e sche las perditas fissan anc stadas imputablas il mument da l'amortisaziun.

1.2. TARIFFAS D'AMORTISAZIUN PER MANASCHIS DA FATSCHENTA

Valair valan las suandantas tariffas per amortisaziuns normalas e per supplements per amortisaziuns excessivas:

	Tariffas d'amortisaziun en % da la valur cudeschada	Supplement en % da l'amortisaziun excessiva
Chasas d'abitar e da persunal		
- mo sin edifizis sulets ¹	2	45
- ensemen sin edifizis e terren ²	1,5	47,5
Chasas da fatschenta, edifizis da biro e da banca, gronds negozis, edifizis da kino		

	Tariffas d'amortisaziun en % da la valor cudeschada	Supplement en % da l'amortisaziun excessiva
- mo sin edifizis sulets ¹	4	42,5
- ensemen sin edifizis e terren ²	3	45
Edifizis da gastronomia e d'hotellaria		
- mo sin edifizis sulets ¹	6	38,5
- ensemen sin edifizis e terren ²	4	42,5
Edifizis da fabricas, da magasins ed edifizis da mastergn sco lavuratori, garaschas, tancs, silos, serras		
- mo sin edifizis sulets ¹	8	35,5
- ensemen sin edifizis e terren ²	7	37
Bogns cuvernads, stabiliments da sport		
- mo sin edifizis sulets ¹	10	32,5
- ensemen sin edifizis e terren ²	8	35,5
Construcziuns moviblas sin terren ester	20	20
Binaris, conducts d'aua per intents industrials	20	20
Indrizs d'aria cundiziunada e sfradentaders	20	20
Ventilaziuns ed indrizs da cumbat cunter canera	20	20
Tancs libers e transportabels, containers	20	20
Magasins a curunas da gronda autezza ed indrizs sumegliants	15	25
Mobiglias da fatschenta, installaziuns da lavoratori e da magasinaziun cun caracter da mobiglias	25	18
Meds da transport da tut gener, senza vehichels a motor, incl. chars annex	30	15
Vehichels a motor da tut gener	40	10
Valurs immaterialas che servan a l'activitad da gudogn, sco patentas, dretgs da firmas, da chasas edituras, da concessiuns, da licenzas ed auters dretgs d'utilisaziun, goodwill	40	10

720.015-A1

	Tariffas d'amortisaziun en % da la valur cudeschada	Supplement en % da l'amortisaziun excessiva
Apparats e maschinas per intents da producziun, maschinas da cuschina da l'hotellaria, apparats da kino, automats da vendita	40	10
Indrizz d'elavuraziun da datas, maschinas da biro, software	40	10
Sistems da regulaziun automatics, indrizz da segirezza, apparats electronics da mesiraziun e da controlla	40	10
Maschinas che lavuran en emprima lingia en squadra u a cundiziuns spezialas	45	7,5
Utensils, iseglia, utensils da maschinas, apparats, emballadis, material da puntanadas, palettas	45	7,5
Vaschella e laschiva da la gastronomia e da l'hotellaria	45	7,5

- ¹ La tariffa d'amortisaziun pli auta per edifizis sulets premetta che edifizis e terren vegnian bilantschads separadamain. Sin il terren na pon en quest cas betg vegnir fatgas fiscalmain amortisaziuns.
- ² Questa tariffa sto vegnir applitgada, sche edifizis e terren vegnan bilantschads ensemen. I na dastga dentant betg vegnir amortisà dapli che la valur d'investiziun resp. la valur reala pli bassa dal terren.

1.3. TARIFFAS D'AMORTISAZIUN PER PENDICULARAS, RUNALS E.U.V.

Las tariffas d'amortisaziun per pendicularas, runals e.u.v. vegnan regladas en l'aggiunta 2 (DG 720.015-A2).

1.4. MANASCHIS AGRICULS

Per manaschis agriculs vegn applitgà il fegl d'infurmaziun da l'administraziun federala da taglia pertutgant amortisaziuns (A/1993, agricultura e selvicultura). Las tariffas d'amortisaziun figureschan en il mussavia per possessurs da manaschis agriculs.

1.5. CAS SPEZIALS

- a) Installaziuns che spargnan energia
Isolaziuns termicas vi d'edifizis existents, installaziuns per midar il sistem da stgaurament u per utilizar l'energia solara sco er autras mesiras per spargnar energia pon vegnir amortisadas durant l'emprim ed il segund onn fin a 50 pertschient da la valor cudeschada e durant ils onns suandants a las tariffas usitadas per las installaziuns respectivas.
- b) Installaziuns che protegian l'ambient
Indrizz per nettegiar l'aua, per proteger cunter la canera e per nettegiar l'aria duvrada pon vegnir amortisads durant l'emprim ed il segund onn fin a 50 pertschient da la valor cudeschada e durant ils onns suandants a las tariffas usitadas per ils indrizz respectiv.

1.6. AMORTISAZIUNS IMMEDIATAS

Sin ils bains da la facultad d'investiziun ch'èn suttemess ad ina perdita considerabla da valor, pon vegnir fatgas valair amortisaziuns immediatas durant l'onn d'acquisiziun u da construcziun sco er durant l'onn suandant u durant l'onn da finiziun sco er durant l'onn suandant. Las amortisaziuns immediatas ston vegnir fatgas da la valor d'investiziun/dals custs d'investiziun senza il terren.

Per **manaschis da fatschenta** èn admessas las suandantas amortisaziuns immediatas:

Valurs immaterialas ed objects movibels sco mobiglias, vehichels, installaziuns da computer, installaziuns da magasinaziun, stabiliments da producziun e.u.v.	100 %
Edifizis da fabricas, da magasins ed edifizis da mastergn sco lavuratori, garaschas, serras e.u.v.	60 %
Edifizis da gastronomia e d'hotellaria sco er chasas da personal	40 %

Per **manaschis agriculs** che vegnan suttemess a la taglia tenor contabilitad u tenor registraziuns, pon las amortisaziuns immediatas vegnir fatgas valair sco suonda:

Installaziuns mecanicas, maschinas ed apparats	100 %
Plantas	60 %
Edifizis	60 %
Meglieraziuns	40 %

Las tariffas d'amortisaziun per pendicularas, runals e.u.v. vegnan regladas en l'aggiunta 2 (DG 720.015-A2).

2. Retenziuns

2.1. MAGASIN

Retenziuns pauschalas sin il magasin pon vegnir fatgas, sch'il magasin è vegni registrà complettamain ed exactamain. Il magasin sto vegnir valità als custs d'acquisiziun u da producziun u, sche la valur da martgà usitada al lieu è pli bassa, tenor quels.

Sin la valur dal magasin vegnan admess 33 $\frac{1}{3}$ pertschient sco reserva privilegiada e betg suttamessa a la taglia il mument ch'ella vegn augmentada. Sche la valur dal magasin sa reducescha, sa sbassa er la reserva privilegiada a maximalmain 33 $\frac{1}{3}$ pertschient da la nova valur d'inventari. Immobiglias na valan betg sco rauba, medemamain betg products che vegnan producids per incarica fixa da terzas personas (lavurs cumenzadas e finidas).

2.2. DABUN DA FATSCHENTA

A pajataglias che preschantan ina contabilitad manada confirm a l'urden u registraziuns cumparegliablas vegni permiss – senza controlla pli detagliada – da furmar in'uschenumnada retenziun delcredere en furma d'ina pauschala. Questa pauschala importa:

- 5 pertschient per dabuns en Svizra
- 10 pertschient per dabuns a l'exteriur

Retenziuns pli autas èn admessas fiscalmain mo, sch'i vegn cumprovà che l'entir import è motivà da la fatschenta.

2.3. OBLIGAZIUNS DA GARANZIA

Pajataglias che ston obligar garantias per prestaziuns furnidas pon far valair – senza cumprova speziala – ina retenziun da maximalmain 2 pertschient da la svieuta suttamessa a l'obligaziun da garanzia. Retenziuns pli autas èn admessas fiscalmain, sch'i vegn cumprovà che l'entir import è motivà da la fatschenta.

2.4. REPARATURAS GRONDAS

Retenziuns per futuras reparaturas grondas pon vegnir furmas annuamain en la dimensiun da 0,5 pertschient da la valur cudeschada. Ellas dastgan importar maximalmain 10 pertschient da la valur cudeschada. Las retenziuns furmas ston vegnir duvradas, sch'i vegnan fatgas reparaturas grondas.

3. Reservas per custs da perscrutaziun e da svilup

Da las expensas motivadas da la fatschenta fan part er las reservas per ils futurs custs da perscrutaziun e da svilup. Tenor las disposiziuns executivas da la regenza (art. 12 ss. DERtLT) pon las reservas vegnir furmadas mo sa referind a projects u a products concrets. L'interpresa sto cumprovar che las expensas correspondentas vegnan a resultar en ina perioda da circa 5 onns.

Annualmain na dastgan las reservas betg surpassar 10 pertschient dal gudogn suttamess a la taglia (avant la deducziun da la reserva) e na dastgan betg surpassar en total l'import dad 1 milliun francs.

Las reservas ston vegnir schliadas cun in gudogn, sch'i na dat nagins custs da perscrutaziun e da svilup durant la perioda numnada. Cur ch'ils custs correspondentes vegnan pajads, ston els vegnir cudeschads sin donn e cust da la reserva.

Agiunta 2: Tariffas d'amortisaziun per pendicularas, runals e.u.v. (art. 11a DERtLT)

(versiun dals 01-01-2016)

1. Reglas generalas

Las reglas generalas per amortisaziuns tenor l'aggiunta 1 pertutgant amortisaziuns e retenziuns (DG 720.015-A1) vegnan applitgadas er per pendicularas, runals e.u.v. L'utezza da las amortisaziuns per pendicularas, runals e.u.v. vegn reglada qua sutvart.

2. Tariffas d'amortisaziun per pendicularas

Valair valan las suandantas tariffas per amortisaziuns normalas e per supplements per amortisaziuns excessivas:

	Tariffas d'amortisaziun en % da la valor d'acquisiziun		Supplement en % da l'amortisaziun excessiva
	Pendicularas	Trajectorias	
Bains immobigliars e dretgs	3	3	38,5
Edifizis e terren ensemen	4	4	35,5
Installaziuns mecanicas	10	10	20
Installaziuns electricas	10	10	20
Pilasters intermediars e fundaments	4	4	35,5
Sugas purtantas	10	10	20
Sugas da tracziun e sugas d'equiliber	20	-	10
Sugas da transport resp. sugas da tracziun	-	30	5
Sugas da tensiun	30	30	5
Sugas auxiliaras	20	30	10/5
Rollas purtantas e rollas da pressiun	15	25	15/6,5

720.015-A2

	Tariffas d'amortisaziun en % da la valor d'acquisiziun		Supplement en % da l'amortisaziun excessiva
Indrizs da telecommunicaziun e da segiranza	20	20	10
Cabinas, sutgas, chars auxiliars	10	20	20/10
Recipients per il transport da rauba	20	20	10
Mobiglias	12,5	12,5	18
Vehichels champesters cun usura speziala	25	25	6,5
Maschinas	15	15	15

Per **manaschis accessorics, per edifizis e per vehichels da pistas e.u.v.** valan las tariffas d'amortisaziun qua sutvart:

	Tariffas d'amortisaziun en % da la valor d'acquisiziun	Supplement en % da l'amortisaziun excessiva
Edifizis sulet	3	38,5
Edifizis e terren ensemen	2	42,5
Installaziuns, maschinas, mobiglias	12,5	18
Edifizis necessaris per pistas e per vias sco punts, galarias, tunnels, mirs da sustegn, structuraziuns dal terren e.u.v.	20	10
Maschinas da construcziun	20	10
Vehichels da pista	25	6,5
Material per marcar las pistas	25	6,5
Indrizs d'ennavar	25	6,5

Runals e sutgeras pon vegnir amortisads tut en tut per la tariffa pauschala da 12 pertschient (supplement per amortisaziun excessiva 17 pertschient). Sche las singulas parts dal stabiliment vegnan amortisadas separadamain, vegnan applitgadas las tariffas che valan per ils indrizs circulatorios. Giuvs pon vegnir amortisads a 35 pertschient (supplement per amortisaziun excessiva 5 pertschient).

3. Amortisaziuns immediatas

Per pendicularas, runals e.u.v. pon vegnir fatgas las suandantas amortisaziuns immediatas:

Pendicularas, indrizs circulatorics	
- installaziuns, objects movibels, maschinas e.u.v.	100 %
- edifizis, pilasters intermediars e fundaments	40 %
Pistas e vias	80 %
Runals	60 %
Hotels e restaurants	40 %